

## Every Church a Study Center



### Kabataang Pilipino, Pag-asa o Problema ng Bayan ©

Conrad Jun Tolosa

Revised March 11, 2022

#### Part Two: Ang Pinagmulan Ng Pressures Sa Buhay Ng Tao

Ang pressures in life ng tao ay may pinanggalingan. Subalit upang maunawaan ito ng ating mga kabataan, kailangang balikan muna natin ang pasimula.

Ang tao ay nilikha ng Diyos para sa Kanyang layunin. Ang ibig sabihin nito ay may inihandang layunin o gawain ang Diyos para sa tao - ito ay ang *sambahin at paglingkuran ang Diyos*. Maliwanag sa isipan ng tao na ang pagsamba sa Diyos ay ang pagbibigay ng papuri sa mga kamangha-manghang katangian ng Diyos at sa Kanyang mga kahanga-hangang gawa; at ang paglilingkod sa Diyos ay ang pagsasakatuparan o pagsunod sa tatlong gawain na inutos Niya sa tao: 1) Maging mabunga at magparami para punuin ang mundo, 2) Lupigin ang lupa (bungkalin at pagyamanin), at 3) Pamahalaan ang mga isda, ibon at lahat ng uri ng mga hayop.

Likas sa tao na isapamuhay ang mga layuning ito ng Diyos; naging natural sa tao ang sumamba at maglingkod sa Diyos. Nauunawaan niya na ang pagsasagawa ng utos ng Diyos ang nakapagdudulot sa kanya ng kaligayahan at katagumpayan sa buhay.

Matapos likhain ng Diyos ang tao, inilagay Niya ang tao sa Hardin ng Eden upang bungkalin at pagyamanin ito. Ganito ang sinabi ng Diyos kay Adan, *Maaari mong kainin ang kahit na anong bunga ng puno na nasa Hardin, maliban lamang sa bunga ng puno ng pagkaalam ng mabuti at masama. Sa oras na kainin mo ito, tiyak na mamamatay ka.* Sa bahaging ito, makikita natin na pinagkalooban ng Diyos ang tao ng kalayaang pumili o magdesisyon para sa kanyang sarili. Gayunpaman, ang kalayaang ito ay may kaakibat na parusa kung susuwayin ng tao ang kalooban ng Diyos.

Sa Hardin ng Eden kung nasaan ang tao ay may isang nilalang na kumontra sa salita ng Diyos – ang ahas. Ito ang sinabi ng ahas kay Eba, *Hindi kayo mamamatay, bagkos ay magiging katulad kayo ng Diyos na alam ang mabuti at ang masama.* Sa pagkakataong iyon, kinailangan ng tao na magdesisyon, *Sino ang kanyang paniniwalaan?* Hindi nagtiwala ang tao sa salita ng Diyos. Sa halip, ang kanilang pinaniwalaan ay ang kasinungalingan na sinabi ng ahas.

Matapos kainin ng tao ang ipinagbawal na prutas, siya ay namatay nang oras ding iyon; at dinanas ng tao ang kamatayang spiritual - - ang pagkahiwalay ng Espiritu ng Diyos sa tao. Ibig sabihin, nagdilim ang puso't isipan ng tao.

Bunga rin ng pagkahulog sa kasalanan ang paglabo ng pang-unawa ng tao patungkol sa kanyang kaligayahan na nakasalalay sa pagkakaroon ng tamang relasyon sa Diyos at sa pagsasapamuhay ng layunin na ipinagkaloob sa kanya ng Diyos. Hinangad ng tao na palitan ang kaligayahan ng buhay sa mga bagay na labas sa kalooban ng Diyos o sa mga bagay na hindi kailanman makapagdudulot ng kasiyahan sa kanyang kaluluwa.

Ang tinatawag na *pressures in life* ay bunga ng pagtalikod ng tao sa Diyos. Sa halip na sa Diyos hanapin ng tao ang kaligayahan at kahulugan ng buhay, kung saan-saan siya bumabaling.

Sa pagpapatupad sa utos ng Diyos na maging mabunga, magparami at punuin ang mundo bilang mag-asawa, ang sexual pleasure na likas sa human activity na ito ang siya na lang hinahanap. Kaya ang teen-ager na walang pagpipigil sa sarili ay nabubuntis na, bunga ng paghihiwalay ng pleasure sa kalooban ng Diyos. Kapag hindi masumpungan ang pleasure galing sa sex dahil laging basted, o walang pambayad sa mga babaeng bayaran, na pre-pressure ang sarili na bumaling na lang sa paninigarilyo, pag-inom ng alak, pagdodroga, pagsusugal o pagbabarkada.

Sa pagpapatupad sa utos ng Diyos na bungkalin at pagyamanin ang lupa - na may kasamang pagbabanat ng buto, o pagtrabaho - ang mabuti at matinong gawain kapag kulang ang suweldo ay madalas nasasamahan ng pangungupit o pangungurakot o papalitan ng pagnanakaw, pagbebenta ng illegal drugs o pag-aahente sa jueteng.

Sa pagpapatupad sa utos ng Diyos na pamahalaan ang mga ibon, isda at lahat ng hayop - na may kasamang pagtuturo at pagtre-training - ito ay napalitan ng pagnanasang manakop ng kapwa tao. Dahil sa kasalanan at sa sumpang ginawad ng Diyos sa lupa, naging mailap at mabangis ang mga ibon, isda at hayop sa lupa.

Kung icha-chart natin, magiging maliwanag ang mga naging epekto ng pagkahulog sa kasalanan ng tao.

<i>Original Man</i>	<i>Fallen Man</i>
Hangarin ang makadiyos na relasyon	Hangarin ang pakikipagtalik
Hangarin ang mabungang buhay	Hangarin ang kayamanan
Maglaan ng pamumuno	Maghangad na siya ang sundin
Sambahin ang Diyos	Sambahin ang sarili
Paglingkuran ang Diyos	Paglingkuran ang sarili

Maliwanag ang naging pagnanasa ng tao matapos siyang mahulog sa kasalanan; ito ay hindi na ang pagsunod sa kalooban ng Diyos, kundi pagsunod na sa pita ng kanyang laman, paghangad ng bawat makita at magustuhan, at ang sumikat at hangaan. Ang dati-rating makadiyos na kalikasan ng tao ay napalitan ng makasariling kalikasan.


Kabataan, sino ang iyong pakikinggan at susundin? Piliin mong gawin ang tama, huwag ka na sanang magpadala sa pressure na iyong nararanasan. Huwag nating kalimutan ang isang kasabihan sa Pilipinas, *Habang may buhay, may Pag-asa.*

**Multiple Choice:**

1. Bakit nilikha ng Diyos ang tao?
  - a. Para sa Kanyang kasiyahan.
  - b. Para sa Kanyang layunin.
  - c. Para may maglingkod sa Kanya.

2. Ano ang inihandang gawain ng Diyos para sa tao?
  - a. Ang sambahin at paglingkuran ang Diyos.
  - b. Ang sambahin at paglingkuran ang lahat ng nilikha ng Diyos.
  - c. Ang sambahin at paglingkuran ang Diyos at ang Tao.
  
3. Maliwanag sa isipan ng tao na ang pagsamba sa Diyos ay ang pagsasakatuparan o pagsunod sa mga gawain na inutos Niya sa tao.
  - a. True
  - b. False
  
4. Ano ang mga gawain na iniutos ng Diyos sa tao?
  - a. Maging mabunga at magparami para punuin ang mundo.
  - b. Lupigin ang lupa.
  - c. Pamahalaan ang lahat ng uri ng mga hayop.
  - d. All of the above
  
5. Bakit inilagay ng Diyos ang tao sa Hardin ng Eden?
  - a. Upang ang tao ay mabuhay at mapangalagaan ang kanilang sarili.
  - b. Upang ang tao ay mangalaga sa mga punongkahoy lamang.
  - c. Upang ang tao ay magbungkal at pagyamanin ang mga nasa Hardin.
  
6. Pinagkalooban ng Diyos ang tao ng kalayaang pumili o magdesisyon at ito ay
  - a. Unlimited
  - b. Limitless
  - c. Limited
  
7. Sino ang unang nilalang na kumontra sa salita ng Diyos?
  - a. Eba
  - b. Ahas
  - c. Adan
  
8. Ang tao matapos kainin ang ipinagbabawal na prutas ay namatay kaagad spiritually.
  - a. True
  - b. False
  
9. Nang mahulog sa kasalanan ang tao, luminaw ang kanyang pang-unawa patungkol sa tamang relasyon sa Diyos.
  - a. True
  - b. False
  
10. Ano ang bunga ng pagtalikod ng tao sa Diyos?
  - a. Sexual Pressure
  - b. Peer Pressure
  - c. Pressures in Life

11. Sa pagkahulog ng tao, ano ang naging bunga ng Hangarin na magkaroon ng makadiyos na relasyon?
  - a. Hangarin ang kayamanan
  - b. Hangarin ang pakikipagtalik
  - c. Maghangad na siya ang sundin
  
12. Ang hangarin ng tao na sambahin ang Diyos ay naging hangarin na paglingkuran ang sarili.
  - a. True
  - b. False
  
13. Ang hangarin ng tao na magkaroon ng mabungang buhay ay naging hangaring magkaroon ng kayamanan.
  - a. True
  - b. False
  
14. Ang hangarin ng tao na paglingkuran ang Diyos ay naging \_\_\_\_\_.
  - a. Hangarin na sambahin ang sarili.
  - b. Hangarin na sundin ang sarili.
  - c. Hangarin na paglingkuran ang sarili.
  
15. Ano ang pumalit sa makadiyos na kalikasan ng tao?
  - a. Makasariling kalikasan
  - b. MakaCristong kalikasan
  - c. MakaBayang kalikasan



© Revised: March 11, 2022 Conrad Jun Tolosa

All rights reserved. No part of this material may be reproduced, stored in a retrieval system, or transmitted in any form or by any means except for brief quotations for the purpose of review or comments, without the prior permission of the publisher; Philippine Biblical Worldview Foundation, Inc.